

col soriso 'ndei oci...

sora 'l campigol ert
en slarc de prà fà pòlsa
stropaie 'ncarolade
profumi 'nmèz al vent

li 'nmèz en bait de legn
la stala 'n quert de scandole
snasar l'odor selvadec
e i campanaci i sòna

en cagn sbaia pù fòrt
spavènt, scampa 'n caorét
de dent de sera al stròf
'n putèl el molge 'n paze

l'azur del ciel 'mbarluma
pogìa sui peci strachi
lontan la Brenta rōsa
'nde l'aria 'n baticör

la pigna par 'n orlò
che cònta 'n temp perdù
e me 'rvezino 'mprèsa
sentir canzon che sponge

subiènt el colp se ferma
quel bater fis se 'mponta
e 'l cuco sora i arboi
el canta sò pasion

'na siora 'nden soriso
che 'l sà de rasa fresca
la 'verge l'us del cör
'nvidandone a nar dent

saòr de dolcie ampomole
'ndé quela torta tebia
vardarghe dent quei oci
te par che 'l ciel sia sò

l'è 'n posto 'nmèz al ciel
sel sente 'ndei respiri
e tuti i nòsi amori
'se slarga come fén

po' la ne nina, dolcia
contandone pasion
l'èi tendra la so storia

par 'na careza al sol

Giuliano

Per Raffaella della Malga Venera, una persona speciale in un posto incredibile